

IA MAUA LE FIAFIA I LENEI TUSI GALUE MĀLIE

**Na e iloaina e iai le aiā tatau a so‘o se
tamaitiiti e mālōlō, mapu ane, ta‘alo pe auai
atu i gaioiga fatu ma gaioiga fa‘aleaganu‘u?**

O le ala lenā ua matou fausia ai lenei tusi galue mālie mo oe ma lau fanau ina ia fa‘aaogāina, ma a‘oa‘oina ai e uiga i aiā tatau a tamaiti.


E tele aiā tatau a tamaiti, e pei o le aiā tatau e ola, malupuipuia, aiga, fa‘asinomaga, fa‘alia o manatu ma le puipuiga mai sauaga ma nisi lava tulaga e tele. E lē gata i lea, o tamaiti uma o le lalolagi e tutusa aiā tatau e aofia ai

i latou e leai ni aiga, o lo‘o sosola mai ni fa‘afitauli, matitiva, fia ‘a‘ai, mama‘i, ua lē toe a‘o‘oga ma ua tia‘ina. Ina ia ‘ausia e tamaiti lo latou ola ‘ato‘atoa ma maua ni lumana‘i pito sili ona lelei, e mana‘omia ona iloaina ma puipuia a latou aiā tatau.

O nei aiā tatau ua fa‘ataoto mai i le Maliega o Aia Tatau a le Tamaitiiti, o se ta‘utinoga fa‘alekulafono fa‘avāomalo e ta‘ita‘i o le lalolagi e puipuia so‘o se tamaitiiti ma fa‘ataunu‘uina a latou aiā tatau.


Mo le a‘oa‘oina atili ma lagolago i le Aiā Tatau i le Olaga Fa‘atamaitiiti, asiasi i le unicef.org.nz.

VALIVALIGA




O se tamaitiiti o so'o se tagata e i lalo ifo o le 18 tausaga lona matua.

FESOASOANI I LENEI TAMAITIITI E SU'E NI ANA UO



O tamaiti uma e iai uma lava nei aiā tatau, e tusa po'o ai i latou, po'o fea e nonofo ai, o le ā le gagana e tautatala ai, o le ā le latou lotu, o ā o latou manatu, pe fa'apefea o latou foliga, po'o i latou o se tama po'o se teine, po'o iai ni o latou mana'oga fa'apitoa, pē latou te mau'oa pē matitiva, e tusa fo'i po'o ai o latou mātua po'o 'āiga, po'o ā talitonuga ma mea e fai a ō latou mātua ma 'āiga. E leai se tamaitiiti e tatau ona lē tausia lelei i so'o se mafua'aga.

TUSI I LUGA O LAINA MOTUMOTU MA FA'AFIAFIA SE TAMAITIITI




39



TOE FA'ALELEIA MA
FA'AFOUINA


E iai le aiā tatau a tamaiti e mauaina fesoasoani pe 'a fa'apea ua manunu'a, tu'ulafoaina, agaleagaina, pe a'afia i taua, ina ia toe fa'afōisia lo latou ola mālōlōina ma aloā'iaina.

AVE MEAFAITINO IA I LE TAMAITIITI






E tatau i mālō ona ave le avanoa i 'āiga ma pitonu'u e ta'ialaina a latou fanau ina ia tuputupu a'e, latou te a'oa'o i le fa'aaogāina o a latou aiā tatau i le tulaga e sili ona lelei. O le matutua o tamaiti e lē tēlē se ta'iala latou te mana'omia.

TUSI E OE LAU LAVA PEPA FA'AILOA



O tamaiti e iai la latou aiā tatau i o latou lava fa'amasinomaga – o se fa'amaumauga aloa'ia po'o ai i latou e aofia ai o latou igoa, tagatanu'u ma a latou so'otaga fa'ale'āiga. E le tatau ona ave 'esea e se tasi lenei tulaga mai ia 'i latou, peitai a fa'apea e tupu lenei mea, e tatau ona fesoasoani mālō e toe maua vave fa'asinomaga o tamaiti.

TUSI SE LAINA I LE VĀ O PEA E TUTUSA




12



FA'AALOALOGAINA O
MANATU O TAMAITI

E iai le aiā tatau a tamaiti e aumai ai o latou lagona sa'oloto i mata'upu e a'afia ai latou. E tatau i tagata matutua ona fa'alogo ma manatu mamafa i tamaiti.

TA‘U MAI ‘ESE‘ESEGA E 5




28



MAUAINA O A‘OA‘OGA

So‘o se tamaitiiti e iai le aiā tatau i a‘oa‘oga. O a‘oa‘oga tulagalua e tatau ona lē totōgia. O a‘oga mauāluluga ma a‘oa‘oga i luga atu e tatau ona avanoa mo so‘o se tamaitiiti. E tatau ona fa‘amalosi‘au i tamaiti e ō i le a‘oga e o‘o i se tulaga mauāluga e gata ai le mafai. O le amio pūlea i totonu o a‘oga e tatau ona fa‘aaloloalo i aiā tatau a tamaiti ma ‘ua lava ne‘i fa‘aaogāina ni sauaga.

TUSI SE FALE MANAIA LAVA



27



MEA'AI, LAVALAVA, O
SE 'ĀIGA SAOGALĒMŪ

O tamaiti e iai le aiā tatau i mea'ai, lavalava ma se nofoaga saogalēmū e nonofo ai ina ia tuputupu a'e i se tulaga e sili ona lelei. E tatau ona fesoasoani le mālō i 'āiga ma tamaiti e lē gafatia nei tulaga.

LI‘O NI MEA E MANA‘OMIA E FA‘AFIAFIAINA AI LE TAMAITIITI




31



So'o se tamaitiiti e iai le aiā tatau e mālōlō, nofo paganoa, ta'alo ma auai i gaioiga fa'aleaganu'u ma gaioiga e fatu.

FESO'OTA'I TOGITOGI



Pe 'a faia e tagata matutua fa'ai'uga, e tatau ona latou mafaufau pē fa'apefea ona a'afia tamaiti i a latou fa'ai'uga. O tagata matutua uma lava e tatau ona faia mea e sili ona lelei mo tamaiti. E tatau i mālō ona fa'amautinoa o lo'o puipuia tamaiti ma tausia lelei e ō latou mātua, po'o isi tagata pe a mana'omia.lenei tulaga. E tatau i mālō ona fa'amautinoa o tagata ma nofoaga e nafa ma le tausiga o tamaiti o lo'o faia lelei galuega.